



29. februar 2024

UPA 2024/118

Inatsisartut suleriaasianni §33 naapertorlugu aaliagiiffigisaasatut siunnersuut imaattoq matumuuna saqqummiuppara:

**Eqqumiitsuliortut eqqumiitsuliornikkut suliaqartillutik akissarsiaasa B-Indkomstitut tigusinnaalersillugit periarfissaqalernissaat pillugu Naalackersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Aqqalu C Jerimiassen, Atassut)

### **Tunngavilersuut**

Eqqumiitsuliortut allatuulli namminersortut CVR atorlugu akiligassamik nassiussisinnaatitaangillat. Siornatigut annertuumik akileraarutitigut akiitsoqalersimanagerup kingunerigunagaanik akileraartarnermut inatsimmut ilassutitut nalunaarummi nr. 10, 20. september 2011-meersumi kapitel 4, § 7, imm. 8-meersoq malillugu immikkut allatuulli sulisutut A-indkomstitut akileraartussangortitaasimapput. Tassa akissarsinissaq sioqqullugu akileraartussangorlugit.

Eqqumiitsuliortut allatuulli namminersortut akileraartarnikkut sinaakkuteqartariaqarput. Namminersortutullu atortorissaarutinut nipilersuutinullu aningaasartuutaasimasut akileraannginnermi ilanngaatigineqarsinnaalertariaqarlutik. Eqqumiitsuliortortagut tatiginerulertariaqarpagut immikkut killilersuisumik inatsiseqartinnagit.

Takorloorsiummi katersortarfimmi nipilersortut nipilersoreerlutik akissarsiniarunik, namminersortutut allagartaqaraluarlutik akiligassamillu nassiussigaluarlutik, akileraareerlutik akissarsisussaataapput - sulisutut. Nipilersoreernerullu kingorna eqqiaasutut namminersortoq asaareerluni akiligassamik katersortarfimmut nassiussisinnaavoq, namminersortutullu aningaasat tamakkiisumik tigusinnaavai, namminerlu aqussinnaallugu aningaasartuutit kingorna akileraarnissani.

Eqqumiitsuliortortagut tapersersorusukkutsigit, namminersortutullu piginnaasartik aallussinnaassappassuk allatuulli akileraartarnikkut periarfissittariaqarpagut. Uanilu siunnersuummik taperseeqataanikkut eqqumiitsuliortortatsinnut tatiginninnerput naqissusersinnaavarput.

### **Aningaasatigut ingerlatsinikkullu pisortanut kingunerisassai:**

Inatsisip allangortinnissaanut AC Fuldmaegtigep ukiup affaanik sivissuseqarnissaa, 250.000kruuninillu naleqarnissaa naatsorsuutigineqarpoq.

### **Namminersortunut aningaasarsiornikkut allaffissornikkullu kingunerisassai:**



Soqanngilaq.

**Innuttaasunut aningaasarsiornikkut allaffissornikkullu kingunerisassai:**

Soqanngilaq.